

庶物類纂

蛇屬
自十三至十四

容

太政官文庫			
和書門類	特別	三三三六二號	茶五十四番
		四六五册	架函

内閣文庫	
番號	和 32362
冊數	465 (408)
函號	54 1

百四

共四十六



Kodak Gray Scale



A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak







庶物類纂蛇屬卷之十三目次
守宮

庶物類纂卷十三

蛇屬目次

守宮

一名蠶蟻方一名蜚易同一名龍子古今一

名壁宮唐一本草一名蝎虎同一名蠅蚘同一名

壁虎網本目草

俗名涯麼越壺山城州又名涯麼越覓州越前又名

十七虎豐母前又名虛七虎安藝又名澳力憂

噎麼壺出羽又名戛歌法虛筑前

守宮

守宮秦晉西夏謂之守宮或謂之蠶蟻盧音或謂之

蜚南陽人又其在澤中者謂之易蜴析音南楚謂之

蛇醫或謂之蝶螈榮元音東齊海岱謂之蟾蜍似蜚易

鱗今所在通言蛇北燕謂之祝延音桂林之中守宮

大者而能鳴謂之蛤解似蛇醫而短身有鱗米江東

直名為蛤鵲音解誤聲也。漢揚雄方言

蝮螭一名龍子一曰守宮善上樹捕蟬食之其長細

五色者名為蜥蜴短大者名蝶螈一曰蛇醫大者長

三尺其色玄紺者善螫人一名玄螭一曰綠螭也晉崔

豹中華古今注

蜥蜴或名蝮蛇以器養之食以朱砂體盡赤所食滿

七斤治擣萬杵點女人支體終身不滅唯房室事則

滅故號守宮傳云東方朔奏漢武帝試之有驗晉張華博

志物

太和末荆南松滋縣南有士人寄居親故莊中肄業

初到之夕二更後方張燈臨案忽有小人纔半寸葛

巾杖策入門謂士人曰乍到無主人當寂寞其聲大

如蒼蠅士人素有膾氣初若不見乃登牀責曰遽不

存主客禮乎復升案窺書詬罵不已因覆硯於書上

士人不耐以筆擊之墮地叫數聲出門而滅頃有婦

人四五或媿或少皆長一寸呼曰真官以君獨學故

令即君言展且論精奧何癡頑狂率輒致損害今可

見真官其來索續如蟻狀如騶卒撲緣士人士人怵

然若夢因齧四肢痛苦甚復曰汝不去將損汝眼四

五頭遂上其面士人驚懼隨出門至堂東遙望見一

門絕小如節使之門士人乃叫何物恠魅敢凌人如

此復被齧且衆齧之恍惚間已入小門內見一人戴冠當殿階下侍衛千數悉長寸餘叱士人曰吾憐汝獨處俾小兒往何苦致害罪當腰斬乃見數十人悉持刀攘臂迫之士人大懼謝曰某愚騷肉眼不識真官乞賜餘生久乃曰且解知悔叱令曳出不覺已在小門外及歸書堂已五更矣殘燈猶在及明尋其蹤跡東壁古培下有小穴如粟守宮出入焉士人即率數夫發之深數丈有守宮十餘石大者色赤長尺許蓋其王也壤土如樓狀士人聚蘓焚之後亦無他

唐段

成式諸事記○說郛

春秋考異郵曰土勝水故守宮食薑

宋均曰守宮生於土薑藏物屬

坎水色○太平御覽

爾雅曰蝶螈蜥蜴蝘蜓

守宮也四轉相解博異語別名也○同上

漢書東方朔傳曰武帝置守宮盆下使射之朔曰臣以為龍又無角謂之為蛇又有足跂跂脉脉善緣壁若非守宮即蜥蜴上曰善賜帛十四

同上

王充論衡曰禹南濟於江黃龍負舟舟中人五色無主禹乃咲而稱曰我受命於天竭力以勞萬民生寄

也死歸也視龍猶蠃蚘也龍去而亡患上同

夢書曰守宮為寡婦着垣墻也夢見守宮憂寡婦人也矣上同

揚子雲解嘲曰今子乃以鷓鴣而咲鳳凰執蠃蚘而嘲龜龍不亦病乎上同

許慎說文曰榮蚘蛇鑿以注鳴者在壁曰蠃蚘在草曰蜥蜴蜥蜴守宮也上同

淮南萬畢術曰守宮塗臍婦人無子取守宮一枚置甕中及蛇衣以新布密裹之懸於陰處百日治守宮

蛇衣分等以唾和之塗婦人臍磨令溫即無子矣上同

又曰守宮飾女臂有文章取守宮新合陰陽者牝牡各一藏之瓮中陰乾百日以飾女臂則生文章與男子合陰陽輒滅去上同

又曰取七月七日守宮陰乾之治合以井花水和塗女人身文章則以丹塗之不去者不淫去者有毒上同

徐懷遠南越志曰成陽縣樹多守宮大者能鳴謂之蛤蟹郭義恭廣志曰守宮鱗色如蛇而四足似蠃蚘

有尺餘蠃蚘有屋壁間者有草野者石上者上同

博物志曰蜥蜴或蝮蛇以器養之食以朱砂體盡赤所食滿十斤擣萬杵以點女人支體終身不滅故號

曰守宮同上

博物志蝮蛇以器養之食以朱砂體盡赤稱滿七斤

治擣萬杵以點女子肢體終不滅淮南萬畢術云取

守宮新合陰陽以牝牡各藏之瓮中陰乾百日以點

女臂則生文章與男子合輒滅去也出感應經太平廣記

蝮蛇似蜥蜴灰褐色在人家屋壁間狀雖似龍人所

玩習故淮南云禹南濟於江黃龍負舟禹視龍猶蝮

蝮龍亡而去比之蝮蛇言不足畏揚子云執蝮蛇嘲

龜龍蓋陋之也一名守宮又名壁宮東方朔射覆詞

云臣以為龍又無角謂之為蛇又有足跂跂脉脉善

緣壁是非守宮即蜥易蓋言此也說者以為飼以朱

砂以其血點宮人如赤誌終身不滅交接便脫漢武

帝嘗用之故名守宮按說文蜥易也易象形秘書說

日月為易象陰陽也則經陰陽一交而變易似有此

理然所謂守宮者亦以其常在屋壁間有守之之象

如鳥有澤虞者常在田中俗呼為護田鳥之類不必

塗血而後為守也。舊說蛇醫龍子蜥蜴三者並不螫人。螳螂乃聞螫人必死。然未聞有中之者。特善捕蝎。春秋考異卹曰：土勝水，故守宮食蠶。宋均曰：守宮生於土，蠶藏物屬於坎，坎水也。俗號蝎虎，又一種色似此而能入水。按毛詩正義名水蜥蜴。宋羅願爾雅翼說文曰：蜥易，螳螂守宮也。象形。博物志云：以朱飼之，其體盡赤。搗之萬杵，以點女人，終身不滅。如赤誌。偶則落，故曰守宮。周易之義疑出於此，取其陰也。陽構合而易，一曰蜥易，日十二時變色，故曰易也。宋陸佃埤

雅

守宮其形大槩類蜥蜴，足而加濶，亦有金色者。秦始皇時有人進之，云能守鑰，人不敢竊發，鑰故名之曰守宮。由此也。又云：致于宮中，宮人之有異志者，即吐血污其衣。或曰：以守宮繫宮人臂，守宮吐血污臂者，有淫心也。秦皇則殺之。宋陳襄文昌雜錄機謹按：足而一本作足短而。格物總論：一種喜緣離壁，形小而黑，乃言螫人必死，亦未嘗聞。中人或名蛇帥，或名蝎虎，或名蝶螈，或又

庶物類纂卷十三 蛇屬 守宮 八

以為在草澤者名蝶螈在屋壁者名守宮也螿家五月採之合璧事類

蝮蛇似蛇着四足一名蜥蜴一名蝶螈一名守宮一

名蛇螿母一名石龍子一名山龍子有四種一大形

純黃色為蛇螿母一名蛇舅母次似蛇螿小形長尾

見人不動名龍子次有小形而五色尾青碧可愛名

蜥蜴並不螿人格物總論

一人為蛇傷痛苦欲死見一小兒來曰可用兩刀在

水內相磨取水飲之効言畢化為綠螈走入壁孔中

其人如方即愈因號綠螈為蛇醫即守宮也二酉餘談

伊世珍
瑯環記

秦始皇時有人進守宮云能典鑰人不敢竊發又云

置于宮中宮人之有異志者即吐血汗其衣此二說

與茂先博物志異元林坤誠
齋雜記

守宮善捕蝎蠅故得虎名春秋考異卸云守宮食薑

土勝水也點臂之說淮南萬畢術張華博物志彭乘

墨客揮犀皆有其法大抵不真恐別有術今不傳矣

揚雄方言云秦晉西夏謂之守宮亦曰蠶螿南陽人

呼為蠃蜨在澤中者謂之蜥蜴楚人謂之蝶螈明李東璧

本草綱目

守宮處處人家墻壁有之狀如蛇醫而灰黑色扁首長頸細鱗四足長者六七寸亦不聞噬人南方有二時蟲即守宮之五色者附見於下同上

守宮舊附見于石龍下云不入藥用近時方術多用之楊仁齋言驚癇皆心血不足其血相類故治驚癇取其血以補心其說近似而實不然蓋守宮食蝎蠆蝎蠆乃治風要藥故守宮所治風痊驚癇諸病亦猶

蜈蚣之性能透經絡也且入血分故又治血病瘡瘍

守宮祛風石龍利水功用自別不可不知同上

虺蜴一名蝶螈水蜴也或謂之號蜮或謂之蛇醫如蜥蜴青綠色大如指形狀可惡

爾雅蝶螈蜥蜴守宮也邢疏詩小雅正月胡為虺蜴謂此也蝶螈蜥蜴守宮一物形狀相類而四名也字林云蝶螈蛇醫也說文云在草曰蜥蜴在壁曰蠃蜨方言云秦晉西夏謂之守宮或謂之蠃蠃或謂之蜥蜴南陽呼蠃蜨其在澤

中謂之蜥蜴南楚謂之蛇醫或謂之蝶螈東齊海岱之間謂之蠖螈北燕謂之祝螈案此諸文則在草澤者名蝶螈蜥蜴在壁者名蠖螈守宮也鄭注小而青者曰蜥蜴大而黃者曰蠖螈最小在墻間砌下者曰守宮種類既異而此釋為一物恐亦未審也鄭箋虺蜴之性見人則走本草石龍子一名蜃蜴一名山龍子一名守宮一名石蜴生平陽川谷乃荆山石間陶隱居云其類有四種大形純黃色為蛇醫次似蛇醫小形長尾見人不動名龍子

次有小形五色尾青碧可愛名蜃蜴不螫人一種善緣籬壁名蠖螈形小而黑乃言螫人必死而未常中人唐本注云蛇師生山谷頭大尾短小青黃或白斑者是蠖螈似蛇師不生山谷在人家壁間名守宮又名蠖虎其名龍子及五色者蜃蜴耳形皆細長尾與身相類似蛇四足古今注云蠖螈一曰守宮一曰龍子善于樹上捕蟬食之其長細五色者名蜃蜴其短大者名蝶螈一曰蛇醫大者長三尺色玄紺善魅人一曰玄螈一曰綠螈詩詁云

守宮蜚蜴二物。蜚蜴尾通于身如蛇而加足有黑色者有青綠色者常居草間守宮褐色四足有尾偃伏壁間故名。蝮蜴亦謂守宮。埤雅蜚蜴一名蜚。易日十二時變色故曰易也。舊曰蜚易嘔電蓋龍善變蜚善易故乾以龍况爻其書謂之易爻者言乎其變也。象之義出于象彖之義出于豕易之義出于易皆取諸物也。蜚易一名蛇醫。舊說蛇體有傷此輒銜草傳之故有醫之號也。考工記注云脰鳴鼃蜚屬注鳴精列屬旁鳴蜚蜚屬翼鳴發皇屬

股鳴。蝮蜴屬胸鳴。榮原屬馬。融周官作以胃鳴于寶周官作以骨鳴。說者以為三字相近雖容有誤而馬鄭與于皆前世名儒或所授師說不同按說文蠖大龜也以胃鳴者則馬本作以胃鳴當謂蠖屬三教珠英云守宮鱗色如蛇而四足亦與魚合爾雅翼蝮蜴似蜚蜴灰褐色在人家屋壁間狀雖似龍人所玩習一名守宮又名壁宮東方朔射覆詞云臣以為龍又無角謂之為蛇又有足跂跂脉脉善緣壁是非守宮即蜚易蓋言此也。博物志云

以器養之食以真朱體盡赤所食滿七斤搗萬杵以點女人體終身不滅偶則落故號守宮漢武嘗用之按說文蜥易之易象形秘書說日月為易象陰陽也則經陰陽一交而變易似有此理然所謂守宮者亦以其常在屋壁間有守之象如鳥有澤虞者常在田中俗呼為護田鳥之類不必塗血而後為守也舊說蛇醫龍子蜥易三者竝不螫人蝮蛇乃聞螫人必死然未聞有中之者特善捕蝎俗號蝎虎又一種色似此而能入水按毛詩正義名

水蜥蜴方言云桂林之中守宮大而能鳴謂之蛤解注蜚蜴南陽呼蝮蛇蟪蛄斯侯二音似蜚易大而有鱗今所在通言蛇醫蛤解似蛇醫而短身有鱗采江東呼蛤蚧明毛晉陸疏廣要有限於地氣者如江南無蝎虎江北鮮蜈蚣以蝎虎多喜燥而蜈蚣不畏濕也明李豫亨推蓬寤語蝮蛇色黑喜緣墻壁者明范貞一典籍便覽漢武帝以端午日取蜥蜴飼以丹砂擣之以塗宮人臂如赤痣洗濯不消有犯男事則消沒故名守宮明馮

東方朔傳置守宮孟下師古曰守宮蟲色也術家云以噐餐之食以丹砂蒲七觔擣治萬杵以點女子體終身不滅若有房室之事則滅矣言可以防閑淫逸故謂之守宮明慎懋官華夷花木鳥獸珍玩考漢武故事以端午日取蜥蜴置之噐飼以丹砂至明年端午搗之以塗宮人臂有所犯則消沒不爾則如赤痣故得守宮之名李賀詩玉臼夜擣紅守宮李商隱云巴西夜市紅守宮後房點臂班班紅古宮詞云

愛惜加窮袴防閑托守宮世說淮南萬異術以五月五日取蠅虎杵碎拌豆

有躍躍可以擊蠅後山蠅虎詩却行奮臂吾甚武武明日淮南作端午。明陳希顏事言要玄集

爾雅曰蠨蛸蜥蜴蠃蜩蠃蜩守宮埤雅廣要曰易名而通名

鑑也。淵類。函

明楊慎卦爻名義曰易者盧蠃之名守宮是也上同

三教珠英曰守宮鱗色似蛇而四足亦與魚合上同

卦爻名義注曰守宮與龍通氣故可禱雨上同

蠃蜩守宮也俗名蝎虎以其力能啗蝎也日遊行于

宮墻之上故曰守宮然與蜥蜴不同蜥蜴乃四足蛇

尾統于身守宮雖亦四足而身闊尾細清虞聞子諧聲品字箋

守宮俗一名壁虎鹹寒小毒○守宮食蠍蠹蠍蠹乃治

風要藥詳守宮所治風症驚癇諸病猶蜈蚣之性能

透經絡也且入血分故又治血病瘡瘍以毒攻毒皆

取其尾善動之義麻城移痘方治痘出眼目及正面

稠密用以移痘於不傷命處其效最捷觀術士以守

宮尾杵為細末彈熟肉上其肉便翕翕蠕動移痘方

得非從悟出陶弘景云蜈蚣喜緣籬壁間以硃飼之

滿三觔殺乾末以塗婦人臂有交接事使脫故名守

宮蘓恭曰飼硃點婦人臂謬說也張華言必別有術

今不傳矣時珍曰守宮祛風石龍利水功用自別不

可不知清張路玉本經逢原

秦時蒲媪者居悅城之南一日浣於江側得卵大如

斗懷歸數日出五物如守宮秦養漸長放於江能入

水取魚媪往觀輒薦魚於媪側而去媪因治魚水濱

揮刀中一尾遂去數年乃還媪曰龍子復來耶始皇

帝聞之召媪媪行中流挾舟而還後媪死鄉人葬之

程補水口左濞一夕風雨雷電大作乃前守宮化為

五龍移于北岸壅沙成墓因立孝通廟以祀之宋元
豐賜敕曰永濟夫人迨明朝洪武初詔稱程溪龍母
永樂間列判官徐行始赴任泊舟悅城夜夢老嫗蓬
垢藍縷語曰願乞金忽覺莫曉其故遲明登岸見廟
神相像儼如夢中乃制衣而飾其像舊志○肇慶府志
守宮蛇一名壁宮一名壁虎一名蝎虎一名蝮蛇相
傳以丹砂餌滿三觔搗以塗女子身作赤點有交接
其即滅故名守宮綠人家籬壁尋蠍子食之故名蠍
虎今嶺外無蠍子惟食蜈蚣然量大小而後制之不

如制蠍之易也又好入鹽食鹽俗呼為鹽蛇高要縣志

壁虎一名守宮灰黑色扁首長頸細鱗四足能治蠶

又名壁虎幾輔通志

壁虎以善緣壁名即守宮也一名蝮蛇揚州府志

守宮即蝎虎曹縣志

守宮東方朔所謂似龍無角似蛇有足跂跂脉脉善

緣壁者也五河縣志

蜥蜴或謂之蝮蛇一曰守宮身有米色紅目用足其
行尤捷以器養之飼以朱砂滿七月擣萬杵以塗女

體不能滅一耦即脫始皇用以防宮中謂繫臂守宮

封川縣志

蜥蜴俗名蝎虎喜緣籬壁以硃砂飼之其體赤擣萬杵以點虎子終身不滅如赤痣偶則落故又名守宮

仁和县志

機謹按虎當作處

蜥蜴俗名蝎虎以朱塗之體盡赤擣萬杵以點處子

終身不滅偶則落故又名守宮 杭州府志

蜥蜴一名守宮漢武帝午日取以丹砂和脂飼之身

盡赤至次年五日搗之以塗宮人有私者其迹即消

故名曰守宮又有一種名曰蝮蜥 臺灣府志

蝮虎一名壁虎一名蝮蜥本草以蝮虎與山中蜥蜴

皆謂之守宮因其形似也今從俗呼為蝮虎以能食

蝮也 盛京通志

蝎虎又名守宮啖蠅制蝎 新城縣志

蝮蜥鱗色如蛇而四足 武寧縣志

蝮蜥鱗色如蛇而四足即守宮也一名蛇醫埤雅云

蜥蜴嘔電蜥蜴其别名也 廣信府志

機謹按鉛山縣志同

蝮蛇俗謂之蝎虎按爾雅蝮蜥蜴蜥蝮蝮蛇蝮蛇蝮蛇
守宮四名轉相解說文云在草曰蜥蜴在壁曰蝮蛇
東方朔云非守宮即蜥蜴大抵在草澤名蝮蜥蜴蜥
在壁名蝮蛇守宮也靈壽縣志
蝮蛇一名守宮俗呼蝎虎比方蝮蛇能以計困蝎取
食之海外蝮蛇獨能鳴鳴輒七八聲聲如黃雀瓊山縣志

庶物類纂蛇屬卷之十四目次

蜥蜴

蜥蜴

一名石龍子神農本草一名山龍子名醫別錄一名泉

龍春秋繁露註一名石蜴本草綱目一名豬婆蛇同上

名守宮同上一名刺易史路一名蛇師汀州府志一名

蛇出律曹縣志

俗名脫ト戛カ容ケ又名脫ト法ハ思ス攝津州又名脫ト麤リ戛カ

結結紀伊州又名盍ハ拉ラ思ス思ス覓ミ備中州又名戛カ結結伊州盍ハ

澳州越前又名各結涯孤上同又名十七虎十越

後州肥州又名脫曼客廬肥後州又名曼罵結德後州

燕州伊豆又名曼曼迷德燕州相摸又名曼罵結燕州

廬上同又名曼拿歇迷陸貞州又名思紫孤噎歇廬州

虛上同又名曼拿結七育上同又名搭客那虎十虛州

州攝津

蜥蜴

釋魚云蝶蜥蜥蜴蜥蜴蠃蜥蜴守宮也李巡曰蝶

蜥一名蜥蜴蜥蜴名蠃蜥蜴名守宮孫炎曰別四

名也陸璣疏云虺蜴一名蝶蜥也或謂之蛇醫如蜥

蜴青綠色大如指形狀可惡如陸意蜥蜴與蝶蜴狀

相類水陸異名耳唐孔穎達毛詩疏

蜥蜴求雨法以土實巨甕作木蜥蜴小童操青竹衣

青衣以舞歌曰蜥蜴興雲吐霧雨若滂沱放汝歸去

唐李石續博物志

機謹按顧其志攬蒞微言同

王彥威尚書在汴州二年夏旱時袁王傳李玘寓汴
因宴王以旱為言李醉曰欲雨甚易耳可求蛇醫四
頭十石甕二枚每甕實以水浮二蛇醫以木蓋密泥
之分置於閑處甕前後設席燒香選小兒十歲已下
十餘令執小青竹晝夜更擊其甕不得少輒王如言
試之一日兩夜雨大注舊說龍與蛇師為親家焉唐臨
淄段成式酉陽雜俎
抱朴子曰謂蜥蜴為神龍者非但不識神龍亦不識

蜥蜴太平御覽

又曰沙磧無量而珠璧甚夥雞隼屯飛而鸞鳳罕出

虺蜥盈數而虬龍希覿同上

于寶搜神記曰淮南書佐劉夢見青蜥蜴從屋入

腹內因苦腹痛同上

吳氏本草經曰石龍子一名守宮一名石蜴一名石

龍子同上

曹叔雅異物志曰魚跳跳則蜥蜴從草中下稍相依
近便共浮水上而相合事竟魚還水底蜥蜴還草中

出三教珠英
○太平廣記

蜥蜴似蛇而四足長五六寸生草澤中爾雅蝮蝮蜥
蜴蝮蜥守宮四名轉相解至陶隱居為其類有四種
形大純黃色者名蛇醫其次似蛇醫而小形長尾見
人不動者名龍子小而五色尾青碧可愛者名蜥蜴
形小而黑喜緣牆壁者名蝮蜥則與今所見似同按
說文及字林及崔豹古今注並以蝮蝮為蛇醫而說
文又云在壁曰蝮蜥在草曰蜥易蜥守宮也方言
亦云守宮秦晉西夏謂之守宮或謂之蠃蠃或謂之

蜥易其在澤中者謂之易蜥音南楚謂之蛇醫或謂
之蝮蝮按此諸文則在草澤者名蝮蝮蜥蜴在屋壁
者名蝮蜥守宮也蜥蜴古語今人多從方言名易蜥
蜴与虺見人則走故詩曰哀今之人胡為虺易也其
狀既如龍故禱雨用之古法求雨坊茶谷以大甕貯
水插柳枝泛蜥蜴使青衣小兒環繞呼曰蜥蜴蜥
興雲吐霧降雨滂沱放汝歸去此亦象龍致雨之義
也曹叔雅異物志曰魚跳躍則蜥蜴從草中下稍相
依近便共浮水上而相合事竟魚還水底蜥還草中

云其蛇醫或名蛇師或云蛇舅母舅說蛇體有傷此
 蟲輒銜草傳之故有醫之號或曰口常含電蛇若有
 病則以電療之今蛇遇冬入蟄含土為圜至春出蟄
 土堅如鐵石謂之蛇黃蓋毒烈之氣聚蓄所為蛇醫
 以電治蛇病似協於理說文榮虺以注鳴者釋考工
 記者則以為榮原胸鳴馬融以為胃鳴于揚子曰龍
 蟠于泥虺其肆矣宋羅願
 爾雅翼
 蜥蜴之類多尔雅云蝶蜥蜴蠃蜥守宮也今按小
 而青者曰蜥蜴大而黃者曰蠃蜥最小在牆間砌下

者曰守宮種類既異而此釋為一物恐亦未審也又
 按本艸蜥蜴謂之石龍子一名山龍子一名石蜴楚
 人謂之蛇醫或謂之蝶蜥青尾有五彩蠃蜥似蜥蜴
 而大黃色亦謂之蠃蜥也守宮似蜥蜴而小在屋壁
 間故名守宮故東方朔謂非守宮則蜥蜴也守宮又
 名蠃虎舊云以朱飼之滿三介殺之乾末塗女子身
 有交接事便脫不尔如赤誌故謂之守宮宋鄭夾深
 昆蟲艸本
 畧
 蠃蜥一曰守宮一曰龍子善於樹上捕蟬食之其長

細五色者名曰蜥蜴其長大者名曰蝮蝮醫大者長三尺其色玄紺善魅人一日玄蝮一名綠蝮宋馬縞中華古

注今

正叔言蜥蜴含水隨雨震起子厚言未必然電儘有大者豈盡蜥蜴所致也今以蜥蜴求雨枉求他他又何道致雨正叔言伯淳守官南方長吏使往茅山請龍辭之謂祈請鬼神當使信嚮者則有應今先懷不信便非義理既到茅山巖勅使人於水中捕得二龍持之歸並無他異後為小兒玩之致死此為魚蝦之

類但形狀差異如龍之狀尔此蟲廣南亦有之其形

狀同只齧人有害不如茅山不害人也程氏遺書洛陽議論

熙寧中京師久旱按古法令坊巷各以大瓦貯水插

柳枝汝蜴蜥使青衣小兒環繞呼曰蜴蜥蜴興雲

吐露降雨滂沱汝歸去開封府准堂劄貴坊巷等

觀祈雨甚急而不能盡得蜴蜥往往以蜴虎代之蜴

虎入水即死無能神變者也小兒更其語曰冤苦冤

苦我是蜴虎似徒昏昏怎得甘雨宋彭乘墨客揮犀

羽毛鱗介人見其為物自其同類視之未嘗不為久

也如所謂烏衣國南柯郡之類是已昔唐太和間荆南松滋縣南自一士人寄居莊中肆業初到之久二鼓後方張燈臨案忽有小人身約半寸葛巾策杖入門揖士人曰乍到無主人宜寂寞也其聲如蒼蠅士人數號有膽畧見如不見其人乃登床責曰獨不存主客之禮乎復登案詬罵不已又覆其硯於書上士人心惡以筆擊之墮地叫數聲出門而滅俄有婦人四五或老或少各長寸許曰真官憐君獨學故令即君共論精奧何乃頑狂輒致損害今可往見真官語

畢又數人至將士人驅迫而行恍然如夢初不甯往被其咬啞四肢痛不可忍曰汝若不去必壞汝眼言訖又四五人走上其面士人驚懼而隨出門行至東堂遙望一門小如竹節將及其門不甯入復被其齧恍忽之際已入小門見一人峨冠當殿坐侍衛甚嚴坐者叱曰吾憐汝獨學俾小兒往何乃致害今當腰斬遂有數人持刀攘臂迎之士人大懼謝曰某愚駭目眼不識真官乞賜餘生坐者良久曰彼已知悔叱令曳出。不覺已在門外矣及歸書舍殘燈猶在天明

跡跡其處見有小穴蜥蜴出入為遂呼數人發之漢數尺有蜥蜴十餘石一大者色赤長尺許即坐者也士人取蜥蜴積薪焚之次夕亦竟無虞亦異矣哉

西軒

談客

機謹按跡跡一本作踪跡

易即刺易蜥蜴是也亦曰石蜴曰辟宮曰龍子曰蝶蜥曰蠃蜥曰祝蜥曰蝎虎曰守宮又曰蚘蠶東齊曰蝮蜈善治蛇疾俗呼蛇師一曰蛇舅世一曰十二時每時一變色故正名曰易箴以朱砂則丹漢武用之

宮闈為守宮之術與龍通氣故禱雨者用之又龍嘔

電與魚合六宋羅泌路火

陶隱居云其類有四種一大形純黃色為蛇醫母亦名蛇舅母不入藥次似蛇醫小形長尾見人不動名龍子次有小形而五色尾青碧可愛名斷蜴並不螫人一種喜緣籬壁名蠃音偃蜥音電形小而黑乃言螫人必死而未常聞中人按東方朔云是非守宮則蜥蜴如此蠃蜥名守宮矣以朱飼之滿三升殺乾朱以塗女子身有交接事便脫不爾如赤誌故謂守宮

今此一名守宮猶如野葛鬼曰之義也殊難分別唐
本注云此言四種者蛇師生山谷頭大尾短小青黃
或白斑者是蠃蜒似蛇師不生山谷在人家屋壁間
荆楚其江淮人名蠃蜒河濟之間名守宮亦名紫蠃
音元又名蠃虎以其常在屋壁故名守宮亦名壁宮
未必如術詞朱點婦人也此皆假釋爾其名龍子及
五色者並名蜥蜴以五色者為雄而良色不備者為
雌劣爾形皆細長尾與身相類似蛇著四足去足便
直蛇形也蛇醫則不然按爾雅亦互言之並非真說

文云朱飼滿三介殊為謬矣臣禹錫等謹按蜀本圖
經云長者一尺今出山南襄州安州以三月四
月八月九月採去腸中物火乾之嘉祐補註本州
石龍子生平陽川谷及荆山山石間今處處有之一
名蜥音錫蜴音亦謹按爾雅云蝮蠃蜥蜴蜥蜴蠃
蠃蜥守宮也疏釋曰詩小雅正月云胡為虺蜴蜴為
此也四者一物形狀相類而四名也字林云蝮蠃蛇
醫也說文云在艸曰蜥蜴在壁曰蠃蜥方言云秦晉
西夏謂之守宮或謂之蠃音盧蠃音廙或謂之刺易

南陽人呼蠃蜃其在澤中者謂之易蜃楚謂之蛇醫或謂之蠃蠃又東方朔云非守宮即蜃蜃按此諸文即是在州澤中者名蠃蠃蜃蜃在壁者名蠃蜃守宮也然則入藥當用草澤者以五色具者為雄而良色不具者為雌力劣耳五月取著石上今乾本州經石龍子蜃蜃也今人但呼為蜃蜃大者長七八寸身有金碧色仁廟朝有一蜃蜃在右掖門西濬溝廟中此真是蜃蜃也鄭狀元有詩有樵者於澗下行見一蜃蜃自石罅中出飲水訖而入良久凡百十次尚下

已樵者疑不免齏石視之有冰雹一二升樵人訝而去行方三五里大雨至良久風雹暴作今之州縣依法用此祈雨經云治五癘破石淋利水道亦此義乎宋寇宗奭本州衍義此物生山石間能吐雹可祈雨故得龍子之名蜃蜃本作析易許慎云易字篆文象形陸佃云蜃善變易吐雹有陰陽析易之義周易之名蓋取乎此今俗呼為豬婆蛇是矣明李東璧本州綱目諸說不定大抵是水旱二種有山石草澤屋壁三者

燕物類彙編 卷十四 蛇屬 蜃蜃 十一

之異本經惟用石龍後人但稱蜥蜴實一物也且生
山石間正與石龍山龍之名相合自與草澤之蛇師
屋壁之蝮蛭不同蘇恭言蛇師生山谷以守宮為蝶
蝮蘇頌以草澤者入藥皆與本經相戾術家祈雨以
守宮為蜥蜴謬尤甚今將三者攷正于左其義自明
矣生山石間者曰石龍卽蜥蜴俗呼豬婆蛇似蛇有
四足頭扁尾長形細長七八寸大者一二尺有細鱗
金碧色其五色全者為雄入藥尤勝生草澤間者曰
蛇醫又名蛇師蛇舅母水蜥蜴蝶蝮俗亦呼豬婆蛇

蛇有傷則啣草以敷之又能入水與魚合故得諸名
狀同石龍而頭大尾短形粗其色青黃亦有白斑者
不入藥用生屋壁間者曰蝮蛭卽守宮也似蛇醫而
短小灰褐色並不螫人詳本條又按夷堅志云劉居
中見山中大蜥蜴百枚長三四尺光膩如脂吐電如
彈丸俄頃風雷作而雨雹也宗奭曰有人見蜥蜴從
石罅中出飲水數十次石下有水電一二升行未數
里雨雹大作今人用之祈雨蓋取此義同上
機謹按蜥蜴石龍蝮蛭守宮之諸說紛冗不定蓋

以李東壁所辨與今在山谷草澤屋壁者當攷正
之矣生山石間名石龍即蜥蜴者本邦之俗呼脫
夏客金碧色者呼盍澳脫夏客所謂吐電者也生
艸澤泉井者水蜥蜴即蝶螈也本邦之俗呼翼磨
靈所謂與魚合者也生屋壁間者蠅蚘即守宮也
本邦之俗呼涯磨靈所謂飼朱塗女子者也如此
分辨則其義自明矣

劉居中至嵩山顛有大蜥蜴數百皆長三四尺人以
食食之撫摩其身滋膩如脂一日聚繞水盆邊各就

取水纔入口即吐電已圓結如彈丸積之于側俄頃

累累滿地忽震雷一聲起彈丸皆失去明日人來言

昨午雨電大作乃知蜥蜴所為事文類聚 集事淵海

世傳電者蜥蜴所吐而不知虹霓亦有吐之者伍均

澤為予言一日與其婿劉弘濟行隴間聞鱗甲珊珊

聲有雙蟲出自樹下首尾皆蛇而腹如鼈四足如蛇

並行至樹顛昂首張口氣出吻間一紅一絲成虹亘

天乃復循樹下入土而去有頃虹始漸散蓋虹蜺帶

竦字皆從蟲而虹又復冬蟄有吐之者似乎無疑霹

蛇屬 蜥蜴 十三

震之中亦有物者為其形如猴而小尖嘴因翅雷收
 聲後亦入蟄山行之人往往多於土穴中得之謂之
 雷公不畏者恒啗之本州則謂之震因且曰無毒主
 小兒夜驚大人因驚失心亦作脯與食之此畜為天
 雷所霹震者是也 明姚福吉 溪暇筆
 蟬史云按爾雅埤雅方言說文俱混蜚蜴守宮為一
 不知蜚蜴有鱗五色不等在山林間能吐電與雨守
 宮無鱗褐色身扁形小好居籬壁以背鳴人擊之則
 尾脫二者大不相類 明沈萬鈞 詩經類考

伊川說世間人說電是蜥蜴做的則不然有自上而
 結成的有是蜥蜴做的昔聞王參議云五臺山見蜥
 蜴含水吐之為電及洪邁著夷堅志載劉法師在龍
 興府西山見蜥蜴如手臂大一日無限入井中飲水
 皆盡即吐為電蓋蜥蜴形如龍亦是陰屬正是陰陽
 交爭之時所以下電時必寒東坡早詩云長夾蛇醫
 一寸腹啣水吐電何時足 明陳希顏事 言要玄集
 埤雅易一名蜥蜴一名蝮蜥其尾色時變青白玄綠
 無定故易經取其變易之義其類亦多在野者俗呼

為馬蛇醫方謂之蛇師凡蛇被擊死者易遇之輒噉

草療蛇復活又在屋中者壁虎同類明馮應京月令廣義

錢武肅王居宮中輪差諸院敏利老嫗監更一夕有

大蜥蜴沿銀缸翕油既竭而倏然不見監更嫗異之

不敢語人也明日王曰吾昨夜夢飲麻膏而飽監更

嫗以所見對王微哂而已西湖志〇明劉仲達鴻書

蜥蜴形似蛇四足長五七寸具五色尾青碧可愛生

草澤中求雨者用之以有龍狀也明范貞一典藉便覽

蝮蝮崔豹註為蛇醫蛇體有傷啣艸療之同上

詩詒守官蜥蜴二物蜥蜴尾通於身如蛇而加足有

黑色者有青綠色者常居艸間守官褐色四足有尾

偃伏壁間故名蝮蝮亦謂守官常在屋下也明慎懋官花夷

花木鳥獸珍玩考

虹螭字俱從虫強有物為之儒者以為陰陽邪淫

之氣臆說也沈存中筆談世傳虹能飲澗信然熙寧

中使契丹至黑水境永安山下是時新雨霽見虹下

澗中余與同行扣澗觀之虹兩頭皆垂澗中使人過

澗隔虹對立相去數丈中間如隔綃縠云云余又聞

一老僧言渠行山中雨後見一物如大蝦蟇仰天鼓腹吐氣遂成虹霓今世人常言氣吐虹霓固知老僧之言不妄月令四月虹始見九月虹藏不見曰見曰藏可知有物今蚊蚤嘔氣騰空樓閣人物皆備海濱人謂之海市則虹氣與日光雨氣相映而有光何足異乎僧所見物如蟄者蜥蜴耳明張太岳文集伊川先生曰世人說電如蜥蜴做初恐無是理者來亦有之昔王參議在五臺山見蜥蜴含水吐之為電及劉法師嘗在興隆府西山見多蜥蜴如牛臂大一

日無限入井中飲水皆盡即吐為電蓋蜥蜴形狀如龍是陰這是氣相感應使作得他如此正陰陽交征之時所以下電時必寒今電之兩頭皆尖有稜疑初間圓上面陰陽交爭打得如此碎了電字從雨從包這包住所以為電明真道園博物彙編考工記注曰曾鳴蟪屬馬融周官作以曾鳴干寶周官作以骨鳴抱朴子曰虺盈數而虬龍布觀以上淵鑑類函卦又名義注曰守宮與蛇同形故能吐電夷堅志載劉法師在龍興府西山見蜥蜴如牛臂大無限入井

吸水盡即吐為電伊川謂電有是上面結成者有是
蜥蜴做者以此上同

埠雅廣要曰舊說蛇體有傷此輒銜艸傳之故名蛇
醫上同

蜥蜴總曰螭大者曰山龍子綠木曰蜥蜴在艸澤者
曰蜥蜴在屋曰守宮捕蠅曰蜥虎言其變曰十二時
蟲有如蛙首者曰蛤蚧○蜥蜴亦作刺易蚺蝶守宮
蜥蜴徒典切蠃一名石龍子俗謂之壁虎亦呼蠃虎
蘇恭謂之蜥虎方言作蜥蜴蓋蜥蜴也而誤作蜥蜴

則蝮牛矣謂其捕蠅皆一物也大小長短異耳蠃蜴
為大者丹碧色則短尾純青色則長尾守宮以養丹
砂而成蛤蚧出嶺表似蜥蜴故方言曰桂林之中守
宮能鳴即蛤蚧也嘗自呼其名一歲能鳴一聲其頭
似蝦蟆獲其雌雄合者益陽此顧珍海槎錄所說趙
宦光云懸鼯蜥蜴也不知何據說文一曰蠃蜴蠃蜴
也清方以智通雅
石龍子鹹溫小毒綱目作鹹寒誤產平陽山谷荆襄
等處其類有四一種生岩石間頭扁身長尾與身等

長七八寸大者尺餘其狀若蛇而脚似梅花鱗目五色者為雄色黃身短者為雌此物最惜鱗甲故見人不動捕之亦不螫入以其生岩石間故本經謂之石龍子以其善於變易吞霧吐電有陰陽折易之義故字林謂之蜥蜴楚人名為蝮蝮實一物也入藥雌雄並用去頭足酒浸酥炙用之入傳屍藥醋炙用之一種生草澤間頭大尾短身粗其色青黃有傷則啣草自敷故謂之蛇醫母能入水與石斑魚合故又名水蜥蜴不入藥用一種生人家屋壁形小身細長三四

寸色褐斑黑者謂之蝮蜥吳俗名為壁虎以其居壁而善捕蠅蠅也或云飼之以朱點宮娥臂故名守宮一種似守宮而頭圓身細長五六寸色白如銀通身細鱗雌雄上下相應而鳴情恰乃交者蛤蚧也荆襄嶺澤皆有而西川產者最勝捕得成對線纏炙乾捲榕樹皮中者是也以此明辨方無誤用之失

逢原

清張路
玉本經

蝮蛇醫以注鳴者法言龍蟠于泥玩其肆矣玩哉玩哉惡觀龍之志也註蜥蜴也爾雅作蝮釋魚云蝮

蝮蜥蜴考工記注疏蝮以胃鳴馬融謂胃鳴子寶謂骨鳴非又本草綱目蝮蝮類一名虺正韻九寒收蝮闕蝮註云蝮蝮一曰毒虺韻會小補與正韻同舉要專訓蝮為毒蛇皆未詳蝮似蛇非即虺蛇也以爾雅法言推之諸說亦非又說文蝮汎訓蟲之蜥易分蝮蝮蜥蜴為二尤非互見後蜥註又蝮青蟲居芫花上者形似斑蝥色青綠背上一畫黃文尖喙俗呼青娘子與蝮殊狀同名清廖文英正字通蝮蜴似蛇四足長五六寸生艸澤中一名石龍爾雅

蝮蝮蜥蜴蝮蜴蝮蝮守宮註四名轉相解別四名也陶弘景曰有四種形大純黃色者名蛇醫亦名蛇舅似蛇醫而小尾長見人不動者名龍子小而五色尾青碧者名蜥蜴小而緣牆壁色黑者名蝮蝮漢書東方朔傳武帝置守宮孟下令朔射之朔曰臣以為龍又無角謂之為蛇又有足跂乃脈乃喜綠壁是非守宮即蜥蜴通雅曰蜥蜴總曰蝮大者曰山龍子緣木曰蝮蝮杜艸曰蝮蝮杜屋曰守宮捕蠅曰蝮虎首隨十二時變色者曰十二時蟲首如蛙蟾者曰蛤

蚺曰仙蟾。蜥蜴本作析易。方言秦晉謂之守宮。一曰
蠪。蠪俗謂之壁虎。亦呼螭虎。蘇恭謂之蝎虎。亦謂之
壁宮。皆一物也。或大小長短異耳。同上
夷堅志云。劉居中少隱嵩山。嘗見山顛有大蜥蜴。數
百。皆長三四尺。人以食就手飼之。撫摩其體。滑膩如
脂。一日聚繞盥邊。各就取水。纔入口。即吐出。已圓結
如彈丸。積之於側。俄頃間。壘壘滿地。忽震雷一。聲起。
彈丸皆失去。明日山下人來言。昨正午雨電大作。乃
知蜥蜴所為者。此也。嵩高志

機謹按登封縣志同。

蜥蜴說文曰。在艸曰蜥蜴。在壁曰蠪。守宮也。本艸
一名石龍子。一名山龍子。北戶錄一名蛇師。東方生
射覆曰。以為龍。又無角。謂之蛇。又有足。政政。脈脈。善
緣壁。非守宮。即蜥蜴。汀州府誌
有丹池。神魚生丹池中。狀如蠪。蚌。一名烏龍。色純黑。
螭首魚尾。四足五爪。白腹丹書。皆成篆文。歙縣志
在橫山頂石坎。容斗水。石竭內有石龍子九枚。長數
寸。黝形高足。痴不畏弄。人取其一坎中。仍九即盡取。

之坎中亦九也龍性屬陽九為陽數造化生分理固如是乎當塗縣志

橫山九龍池山頂石坎容斗水不竭內有石龍子九

枚長數寸黝形高足癡不畏美人弄一枚坎中仍九

漸至九枚坎中亦九盡還其九亦復九也太平府志

鸞山東南二十五里巔有育德泉澹澹一窟味甚甘

冽中有蜥蜴歲旱取水祈雨輒沛江寧府志

玉臺山唐時有楊姓者煉真于此鄉人臺而祀之名

玉臺仙人傍有井中產蜥蜴可以禱雨或曰螭龍云

臺後有石鼓扣輒鳴閩書

山越之俗仍歲亢旱今月將半旱氣益加一郡之中

靡神不禱臣忽記往年有院供職日適值歲旱營士

承旨宋白為臣言今御史中丞魏庠三十年前嘗薄

遊關輔寓居佛舍會天久不雨村民數十輩詣寺祈

禱僧有善胡法者捕蜥蜴十餘枚置一瓮中漬之以

水蒙之以雜樹葉取童男數人衣青衣青塗面及手

足人持柳枝沾水散灑旦祝曰蜥蜴蜥蜴興雲吐霧

雨今滂沱汝今歸去如是者無晝夜嬰繞而言明日

大雨遠近告足臣潛疏於牘背至是檢閱得即以十
 二日初旭與知麗水縣事殿中丞甄旦詣城北集福
 院如其法請禱少頃暴雨寸餘至十三日大雨三四
 尺者東方朔有言曰謂之為龍又無角謂之蛇又有
 足歧歧脉脉善緣壁是非守宮即蜥蜴雄亦云執蠃
 蛭而嘲龜龍又故刑部侍郎張洎嘗謂臣言昔使高
 麗汎海忽陰暄州人諱言龍見洎亟起視之見垂尾
 於雲間正如蠃蛭之狀良久雨大作即知蜥蜴者亦
 龍之類也

宋楊億上奏略
 浦城縣志

虞淳熙錢塘外紀龍山諸峯悉分龍天目潭有石龍
 鱗甲悉具龍花天龍所由名也是多石龍子慈雲石
 室韜光皆有之並黑背朱腹獨方山穴九龍似蜥蜴
 而五爪背黃碧色

徑山天
 目合志

泉州府志

蜥蜴有四種曰石龍子曰山龍子曰守宮曰石蜴又
 有一種曰偃蜥居牆壁間北人呼曰蝎虎

蜥蜴勇堅志云劉居中見嵩山顛有大蜥蜴數百皆
 長三四尺聚繞飲水繞入口即吐出已圓結如彈丸
 俄頃間壘壘滿地忽震雷一聲起彈丸皆失山下雨

電大作乃知蜥蜴所為也今山頂有長尺許者見人
影即竄去殊與志所載不同書高

蜥蜴有四種治五瘥武寧縣志

蜥蜴說文在艸曰蜥蜴在壁曰蠃蜥蠃蜥守宮也木

艸一名石龍子一名山龍子北戶錄一名蛇師東方

生射覆曰以為龍又無角以為蛇又有足跂跂脈脈

善緣壁非守宮即蜥蜴漳州府志

機謹按汀州府志同

蜥蜴似蛇而四足尾青碧以五色者為雄而不備者

為雌一種善緣籬壁形小而黑名蠃蜥亦名蛇師以

其常在屋壁故名守宮一種形小尾長見人不動名

龍子在艸澤中大者名蠓蜥三山志

蜥蜴一名蛇醫朱唇綠身四足瓊山縣志

在艸曰蜥蜴在壁曰蠃蜥蠃蜥守宮也一名石龍子

一名山龍子北戶錄名蛇師漳浦縣志

生山谷間者頭扁毛長形細長七八寸大者一二尺

有細鱗金碧色名蜥蜴亦曰石龍子生艸澤間者頭

大尾 麁其色青黃亦有白斑者名蛇醫生屋壁

間者短小灰褐名守宮亦曰蠃蜥俗呼四脚蛇

蝟虎茅山池中有小龍子狀類蜥蜴腹下朱書若

符篆蓋靈物也丹徒縣志

蜥蜴似蛇四足尾青碧以五色備者為雄不備者為

雌生艸澤中一種喜緣籬壁間形小而黑名蠃蜥又

曰守宮福州府志

蜥蜴龍子能吐電祈雨方言在壁曰守宮在草曰蜥

蜥楚人謂之蝶蜥安慶府志

蜥蜴總曰螭亦作刺易生山石間名石龍生屋壁間

曰蠃蜥即守宮以胸嗚呼蛤蚧惜其尾五色備者雄

不備者雌義烏縣志

蜥蜴似蛇四足以備四色者為雄餘為雌綠籬落而

黑色小者名蠃蜥在壁名守宮台州府志

字林在壁曰守宮在艸曰蜥蜴蜥蜴尾通於身如蛇

而加足守宮褐色四足有尾偃伏壁間亦謂蠃蜥茅

山池中有小龍子狀類蜥蜴腹下朱書若符篆迎之

可以致雨此自靈物非常種所可比金壇縣志

蜥蜴似蛇四足以備四色者為雄否者為雌黑色者

名蠃蚌在壁者名守宮將樂縣志

蜥蜴似蛇四足長五六寸生水澤中五色尾青碧者

名蜥蜴小而緣墻壁黑者名蠃蚌亦曰守宮漢書東

方朔傳武帝置守宮孟下令朔射之朔曰臣以為龍

又無角謂之蛇又有四足歧歧脈脈善緣壁是非守

宮即蜥蜴又有一種首如蟾蜍者名蛤蚧多居石崖

榕樹間陽春縣志

蜴大江以南俱無惟瓊郡有之臨高縣志

蜥蜴似蛇四足長五六寸說文在艸曰蜥蜴在壁曰

蜥蜴

蠃蚌守宮也漢武帝五月五日取以丹砂和脂飼之

身盡赤至次年五月五日搗之以塗宮人和者

其迹即消故名守宮臺產者能鳴諸羅縣志

蜥蜴在田間俗名蛇出律曹縣志

蜥蜴似蛇四足備四色者為雄樂清縣志

庶
分
類
纂
卷
十
四



